



UNIVERSITÄTS-
BIBLIOTHEK
PADERBORN

Universitätsbibliothek Paderborn

Trutz Nachtigal oder Geistlichs-poetisch Lustwäldlein

Spee, Friedrich von

Cöllen, 1660

Ecloga oder Hirtengespräch vber das Creutz/ vnnd aufferstehung Christi/
darin/ was der eine Hirt Damon genant von seinem vorhaben vorspielet/
der ander Halton genant/ allweg nachspielend auff das ...

[urn:nbn:de:hbz:466:1-46969](https://nbn-resolving.org/urn:nbn:de:hbz:466:1-46969)

Deinem wolgestimmten ried;
 Wil noch manche seiten greiffen/
 Ehe man dir das Cränglein blet.
 Damon.

Frommer Halton/deine getigen
 Meinem röhrlein wetcher nit;
 Wollest keinen eyffer zeigen/
 Wir vns gleichen im gedicht;
 Keiner keinen soll beneyden/
 Beyden gleiches lob gebührt;
 Gleiches Cränglein allen beyden
 Auch soll werden eingeschnürt.

Ecloga oder Hirtengespräch vber das
 Creuz/ vnd aufferstehung Christi/darin/was
 der eine Hirt Damon genant von seinem vor-
 haben vorspielet/der ander Halton genant/
 allweg nachspielend auff das Galt-
 lich deutet vnd ziehet.

Eingang.

1. **H**ier ein Bächlein wol beschweret
 Nahm die flucht auß grüne wald,
 An den steinlein sich verleger/
 Hett mit ihnen starcken spalt:
 Dan wells ihm nit wolten weichen
 Auß so lüzel feuchter stras/
 Zornig thät es neben streichen/
 Murret starck ohn vnderlaß.

2. Als nun dorten mich ergetet/
 Tratt hinan ein junger hirt/
 Sich zum bächlein nidersetet/
 Damon er genennet wird/

Rald sich auch hinzu gesellet/

Lycas, Halton, Marsilas:

Da ward geiz/ vnd seyr gestellet/
 Lächelgunden laub/vnd graß.

3. Damon, Halton, jungling beyde
 Sangen, klingen in die werre.

Wett mans höret auff der heyde/

Ach wers recht beschrieben hett!

Stumm die schöne vöglein fassen/

Saß auch stumm die Nachtigal:

Sie schier aller kunst vergassen/

Da gab Damon solchen schall.

Der hirt Damon spieler vor.

Man von heisser Sonn verwüestet

Kält/vnd winter liegen todt/

Man den sommer wider grüßet/

Wider bricht man rosen roth.

Thal/vnd felder schön verblümet/

Grün sich wider legen an:

Weil ichs meinen schäfflein rühmet/

Woltens wider weiden gahn.

Der Hirt Halton folget nach.

Wan die sündler zeitig büßten/
 Vnd mit ihrem hertzen enß
 Sie sich neben Jesu füssen
 Legen zu den wunden heiß:
 Werdens wider bald erkündet/
 Wider leuchter sommer-schein/
 Heyl vns wider wird verkündet/
 Straff sich wider zäumer ein.

Damon.

Wan die vöglein vmb/ vnd vmmen
 Hoch in weitem wolcken-feldt/
 Hin vnd her sich müd geschwummen/
 Suchens wider grüne wäldt.
 Kasten auff den äst/ vnd zweigen/
 Schöpfen wider arhem gut/
 Truz auch allen pfeiff/ vnd geigen
 Machens einen frischen muh.

Halton.

Wan die seel sich müd geflogen/
 Auff/ vnd ab in eitler welt/
 Endlich kombt sie widerzogen/
 Vnd sich zu dem Creuz gefellt.
 Jesu/ Jesu rufft vnd weinet/
 Nider zu der Erden fällt/
 Vnd an wunden Jesu leinet/
 Wiß das hertz in ruh gestellt.

Damon.

Weil dan jene vöglein singen/
 Will die schäfflein führen dar/
 Auff: laßt euch zur weiden bringen:
 Auff/du marmer. weiße schaar.
 O wie frewdigs feld/ vnd wiesen!
 O wie zartes laub/ vnd gras!
 Wer wil schöner leben kiesen?
 Weißlich ich der stät vergaß.

Halton.

Weil am Creuz ich frieden finde/
 Zwar mit nichten mich versamm:
 Mich mit beyden armen binde
 Manche stund an diesen baum.
 Leben liedlein hör ich klingen/
 Klingen süßlich vberall/
 Niemand's wird mich dannen bringen/
 Mir ist wol bey solchem schall.

Damon.

Schön ich längst in grossen stätten
 War der stein/ vnd gassen müd.
 Hoff zum grünen/ thät mich retten/
 Da man liebe schäfflein hüt.
 O du reines hirtten. leben!
 Wer wil gnugsamb loben dich!

Wil dich allweg hoch erheben/
Wirst ja nie verlassen mich.

Halton.

Lang ich lieff auff deinen gassen/
O du schöne Babylon!
Hab doch endlich dich verlassen/
Nahm die flucht vnd sprang darvon.
Gleich zum Creuz mich thar beggen/
Dorten ich die wunden küß/
Wil nun irger lieber leben!
Trinck nur lauter freuden flüß.

Damon.

Wan die weiße schafflein wenden/
Ich mich leg an jener Eyck:
Wan die schöne Sonn wil scheiden/
Süß ich ihr die geigen streich:
O du schöne/laß dir sagen/
Schöne Bildniß bleibe noch.
Schöner fuhrman halt den wagen/
Laß die Roß verschnauffen doch.

Halton.

Wan auch ich die sünd will meiden/
Zu dem Creuz mich setzen thu:
Ruff O Jesu/wolst nit scheiden/
O mit dir dein äuglein zu:

Dille

Nachtigal.

271.

D nit weiche/nit verfabre/
D nit wöllest vndergahn;
Vns noch deine stralen spahre/
Bleib zu dieser frist doch stahn.

Damon.

Wan die Sonn hinunder schwebet/
Vnd verachtet meine reym.
Ihr der wiesen euch begeben/
Ihr dan/schäfflein/dencket heym.
Schöne Sonn/ade du schöne;
Ich die schäfflein führ nach hauß/
Nur vns morgen wider fröhne;
Wil dan wider treiben auß.

Matton.

Jesu wares Licht/vnd factel/
Als verlohrest deinen schein/
Wer mocht dulden solch spectackel?
Wer nach hauß nit kehret ein?
Wan du nun auch ab wilt scheiden/
Sehr ist vnsern hertzen weh;
Doch verkürz vns vnser leiden/
Daß man dich bald wider seh.

Damon.

Wan die feuchte felsen weinen/
Neben meiner weissen schaar!

¶

¶

Vnd von etwan holen steinen
 Stürzen ihre wasser klar;
 Gleich sich meine schäfflein kühlen/
 So mit warmer his behafft:
 Sie den durst vom herzen spülen/
 Mit so frischem felsen safft.

Halton.

Als mit einem speer durchschossen
 Jesu deine seiten rund/
 Vns ein Bächlein kam gestossen/
 Dri man mitch/ vnd purpur fund:
 Ich mit gleichem eiffer lauffe/
 Zu dem brunnen wolbewufft;
 Da mitch spüle/wäsch/vnd tauffe/
 Trinc nach viel gewünschtem lust.

Damon.

Wan die sonn sich gar geneiget/
 Vnd gesencket ihre Cron/
 Gleich die nacht in Himmel stelget/
 Arbeit heisset ihren lohn:
 Thier/vnd menschen gehn sich legen/
 Ganz erstummer alle welt:
 Auch sich kaum die blättlein wegen/
 Trarorig seyret alles feldt.

Halton.

Da du Jesu todts verblichen!

Das

Uns die todten han erschrockt:
 Felsen von den felsen wichen/
 Gräber wurden auffgedeckt.
 Thier vnd menschen that es dauern/
 Auch verwelcket laub/ vnd gras:
 Alle wasser nur von trawren/
 Han geweint ohn vnderlaß.

Damon.

Mond/ vnd sternen abends wachert/
 Legen ihre Sonn zu bett:
 Sie sie sanffter schlaffen machen/
 Mit gelind/ vnd süßer red:
 Schlaffet/ Ela/ matte strolen/
 Schlaf du matt/ vnd müdes liecht/
 Thu mit schlaffen dich erholen/
 Bis den schlaff der morgen bricht.

Nalton.

Je'u' dich auch fromme seelen
 (Wie dann mehrmals höret hab:)
 Thäten/waschen/salben/streelen/
 Heben/trugen zu dem grab:
 Auch die mutter trawrig flagte/
 Schlaf nur mein geliebtes kind/
 Vnd bey nebens mühsig sagte/
 Doch den todt bald vberwind.

Damon.

Wan die Sonn dan außgeschlaffen/
 Richtet sie sich zeitlich auff/
 Schärpffet ihre pfeil/vnd waffen/
 Geht zum wagen/fixet drauff/
 Ich dan wider treib zur heiden/
 Meine weisse wullen herd;
 Sie dan wider grasen/weiden/
 Scheren was das Aug begehrt.

Halton.

Als/D Jesu/du gelegen/
 Kurze zelt in kalter Erd/
 Sich dein seel thät wider wegen/
 Denckend seiner weissen herd.
 Sie der hollen pforten rühret/
 Hielt weit offen scheur vnd stall/
 Seine schäfflein dannen führet/
 Triumphirend vberall.

Damon.

Ich dan ohne leyd/vnd klagen/
 Blas die pfeifflein höntig süß !!
 Vnd gewend zum Sonnen/wagen/
 Sie mit krausen lufflein grüß:
 Ey zu viel mahl tausent mahlen/
 Sey mir wilkom/liebe Sonn:

Herr

Heut ergreiff die längste stralen/
Mir zu schnell dich mach darvon.

Nalton.

Ich/mit einer hohlen rinde.
Mich zu Jesu wende schnell/
Fühl mit eben süßem winde/
Dieses pfeifflein eben hell.
Wie willkommen bist erstanden/
Jesu/zu gewünschter zeit!
Du die schönede todtes banden/
Hast verwende in herzigkeit.

Damon.

Du meine gülden geigen/
Mehr vnd mehr heb auff den klang:
Mir nur waldi/vnd vögel schweigen/
Bächlein zucken ihren gang.
Sage lob der schönen Sonnen/
Sage danck dem runden schein.
Braune stunden seind entronnen/
Eia lasset frölich sein.

Nalton.

Du meine Leyr im gleichen/
Auch du deinen thorn erheb:
Thut man dan die seynten streichen//
Du nach selben Ehren streb.

N 7

Preise

Preise den/der heut erstanden/
 Warlich wahren Gottes sohn:
 Preiset ihn in allen landen/
 Ihm gebühret Ehr vnd Cron.

Beschluß.

Also thäten lieblich singen
 Hoch benante jüngling beyde:
 Auch noch immer weiter giengen/
 Da zerrann die schnelle zeit.
 So dan heimwarts musse kehren;
 Sang es wider mit vernunft.
 Schrieb/vnd hielt es auff zun ehren
 Der geliebten hirtten zunft.
 2. Nun wol auff ihr andre hirtten/
 Brecht vnd schnüret kräuter ein/
 Lorbern/Balsam/Palm/vnd Myrtten/
 Majoran/vnd Rosmarein:
 Vnd weil beyde gleich gerungen/
 Flechret beyden gleiche Cränck:
 Vnd weil beyde gleich gesungen:
 Führet beyd an gleiche ränck.
 Andere Ecloga darin der hirt Damon/ die
 schöne Osterliche Sommerzeit/vnd die vrs
 stend Christi/gar Poetisch bereymet.

Eingang.

Nach den schönen Oster tagen/
 Hirtten zween in aller fröh

Romer